

Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

§. I. Quibusdam præmissis referuntur sententiæ, & vera eligitur,

[urn:nbn:de:hbz:466:1-77342](#)

cum docent Verbum assumpisse hominem, non sunt propriæ, sed impropiæ intelligenda, id est assumpisse humanitatem, sumendo concretum pro abstracto, qua est impropria locutio. & figura Synecdoche, quæ accipit totum pro parte: vel quia assumptionis terminata est ad hoc ut Filius Dei esset homo, juxta quam intelligentiam, non sumitur homo per modum extremi assumpti, de cuius ratione est assumptioni præsupponi, sed per modum termini effecti per assumptionem; quæ etiam non est propria, sed impropria locutio, nam Verbum assumere propriæ non explicat effectum, sed tractionem unius ad esse alterius, & ideo in rigore acceptum, non dicitur de termino effecto, sed de extremitate alteri unito, & ad esse illius assumptio. Soluio est D. Thomæ hic art. 3. ad 1. ubi ait quod *hujusmodi locutiones non sunt extendenda tanquam proprie, sed piè sunt expoundenda ubi cunque à sacris Doctoribus ponuntur: ut dicamus hominem assumptum, quia ejus natura est assumpta, & quia assumptionis terminata est ad hoc ut filius Dei sit homo.*

ARTICULUS VI.

Vtrum humanitas Christi, ut actu conjuncta Verbo Divino, ejusque personalitate terminata, appetitus innato, subsistentiam propriam & sibi connaturalem appetat?

§. I.

Quibusdam præmissis referuntur sententia, & vera eligitur.

¶ Ro resolutione hujus difficultatis in primis re-
coleendum est ex Tractatu de visione beatifica, duplum à Philosophis & Theologis solere distingui appetitum: unum innatum, qui est inclinatio seu propensio ab Authore natura indita, quæ unaquæque res, absque ulla cognitione in suum bonum connaturale est propensa, qualis est propensio gravis in centrum, & levis ad locum sursum: alterum elicium, qui est actus appetendi à speciali aliqua potentia sensitiva vel rationali procedens, & in bonum cognitum sub ratione boni tendens.

¶ Deinde advertendum est, appetitum naturalem seu innatum esse duplum, unum in actu primo, qui nihil aliud est quam ipsa rei natura secundum se veluti naturaliter inclinata ad proprium bonum; alterum in actu secundo, qui est operatio aut quasi operatio naturæ tendentis in bonum sibi connaturale: v. g. gravitas in lapide est appetitus innatus seu naturalis in actu primo ad centrum; gravitare autem est appetitus naturalis in actu secundo.

¶ Tertiò ut certa ab incertis separantur, suppono tanquam certum, humanitatem Christi, sicut & alias, habere inclinationem naturalem in actu primo ad propriam subsistentiam; hæc enim, ut dicebamus, nihil aliud est quam entitas humanitatis secundum se, ut ex ea naturali sequela naturæ est sequi propria personalitas, unde si separaretur à Verbo, illa per naturalem resultantiam haberetur, seu de novo acquireretur. Difficultas ergo consistit in hoc, utrum humanitas Christi, considerata ut actu conjuncta Verbo Divino, habeat appetitum naturalem per modum actus secundi ad propriam personalitatem; eo proportionali mo-

A do quo lapis detentus sursum, non solum per gravitatem, sed etiam per gravitationem tendit in centrum, & conatur removere & evincere prohibens?

Partem affirmativam tenent Scotus quilibet. 19; quest. 3. Vazquez hic disp. 34. & Cabrera disp. 8. Negantem verò sequuntur Cajetanus, Medina, Alvarez, Joannes a S. Thoma, Cipullus, & alii ex nostris Thomistis, cum quibus

Dico, humanitatem Christi auctu unitam Verbo non habere inclinationem, seu appetitum in natum, per modum actus secundi, ad propriam personalitatem.

Probatur primò: Potentia perfecta & completa per actum & formam perfectiorem, & eminenter formaliter continentem perfectionem alterius actus vel formæ imperfectioris, non habet naturalem appetitum ad illum actum vel formam minus perfectam: Sed humanitas Christi assumpta à Verbo, completur & perficitur per subsistentiam increatam & infinitam Verbi Divini, eminenter formaliter continentem totam perfectionem propriæ personalitatis: Ergo humanitas Christi, ut completa illâ divinâ personalitate, non amplius appetit subsistentiam propriam & connaturalem. Minor est evidens, Major probatur: Tum quia potentia non inclinatur ad aliquem actum vel formam, nisi ut ab illa perficiatur, complete, & auctetur: Ergo si potentia completa per actum vel formam nobiliorem, & eminenter formaliter continentem perfectionem alterius, majorem ab illo recipiat perfectionem & actualitatem, quæ recipere ab actu vel forma imperfectiori, non habet rationalem inclinationem ad illum actum vel formam imperfectiorem. Tum etiam, quia si potentia completa per actum perfectiorem & nobiliorem, appetere naturaliter imperfectiorem, ille appetitus naturalis ferreus in malum ut sic, quia minus bonum & minus perfectum habet rationem mali, respectu melioris & perfectioris.

Addo quod, quilibet inclinatio est satiata & perfecta, quando attingit aliquid continens eminenter formaliter suum terminum: Ergo tunc non habet naturalem appetitum ad actu vel formam inferiorum. Consequens pater, Antecedens verò variis exemplis declaratur & illustratur. In primis enim videmus appetitum naturalem hominis perfectè satiari per beatitudinem supernaturalem, nec desiderare naturalem, quando supernaturalem possidet, quia scilicet beatitudine supernaturalis eminentissimo modo continet totam perfectionem beatitudinis naturalis. Secundò, unusquisque appetit naturaliter acquirere scientias omnium rerum, si tamen aliqui concederetur rerum omnium scientia infusa, & beatifica, non habet amplius appetitum scientie acquisitæ. Tertiò, si esset aliqua forma quæ contineret omnes perfectiones omnium formarum corruptibilium; tunc materia informata tali formâ plenè satiaretur, nec alias appeteret. Et si esset aliquid continens quidquid est in centro respectu lapidis, lapis in illo existens quiesceret sicut in centro, nec deorsum gravitaret: Ergo quilibet inclinatio est satiata & perfecta, quando attingit aliquid continens eminenter formaliter suum terminum.

Dices cum Vazque, hoc argumentum convincere quidem humanitatem Christi non appetere propriam personalitatem appetitu elicito, quia ille dicitur cognitione & apprehensione, ac pro-

DE NATVRA ASSVMPTIBILI ET ASSVMPTA.

519

Ande cum natura cognoscit se majus aliquod bonum possidere, abstinet a desiderio boni imperfectioris, quod possessionem superioris boni impedit. Ceterum hoc non habere locum in appetitu naturali seu innato, quia cum ille appetitus oriatur cum natura, tardi perseverat, quan-

119. diu manet ipsa natura.
Sed contra primò: Quamvis appetitus innatus & elicitus in multis distinguitur, præfertim quia innatus non ducitur cognitione, sicut elicitus, hoc tamen habent commune, ut uterque sit in appetente, ratione indigentia alicujus perfectionis vel bonitatis: Sed quando potentia est perfecta & completa per actum & formam perfectionem, & eminenter formaliter continentem perfectionem alterius actus vel formæ imperfectioris, tunc illo actu vel formâ non indiget: Ergo non potest illam appetere appetitus innatus; ut patet exemplo materiae, cuius appetitus innatus satiatur per formam quæ continetur eminenter formaliter totam perfectionem formarum sublunariorum.

Secundò, Appetitus innatus, cum sit inditus ab Authore naturæ, non potest esse inordinatus: Sed inordinatus est, si quando habet perfectionem superiori (ut in proposito subsistentiam divinam) conaretur, & per modum actus secundi privari vellet tali perfectione, ut inferiore seu minorem asequeretur: Ergo &c.

Potest etiam studeri conclusio ex duplice absurdo seu inconvenienti quod sequitur ex adversa sententia. Si enim humanitas Christi naturaliter appeteret propriam subsistentiam, etiam appeteret naturaliter separationem sui à Verbo, quandoquidem eam habere non posset, nisi dimitteretur à Verbo, cum personalitas increata & creata simul eandem naturam terminare nequeant, ut art. 4. ostensum est. Sicut si lapis naturaliter appetit locum deorsum, necessariò etiam & naturaliter appetit recedere à loco sursum, eò quod simul in centro & in loco sursum existere nequeat. Item humanitas Christi pateretur violentiam in Verbo, quia privaretur illo quod naturaliter appetit; appetitus autem naturalis frustratus, violentiam patitur.

120. Nec obstat quod ait Vazquez, violentum solum esse illud quod est contra naturalem inclinationem activam: humanitas autem solum passiva, non vero activè se haber ad propriam subsistentiam. Non valet, inquam, tum quia falsum est, humanitatem solum passivè se habere ad propriam subsistentiam, quia naturaliter dimanaret subsistentia ab humanitate, si dimitteretur à Verbo; resultanta vero, seu dimanatio, quedam species actionis est, & ad causalitatem efficientem reducitur. Tum etiam, quia sufficit passiva inclinatio & appetitus ad aliquid, ut patiatur violentiam, si frustretur; sicut ostendimus in Tracta-

Diss. 1. ari. 4. notabilis

§. II.

Solvuntur objectiones.

121. **O**bijecies primò: Apperitus naturalis seu innatus, non est alius actus vel effectus aliqua potentia dimanans seu procedens, sed præcisè ipsa potentia, ut habet proportionem & convenientiam cum altero, & ut est capax perfectionis sibi debitæ & connaturalis: At Christi humanitas, quamvis consecuta sit altiorem perso-

nalitatem, manet tamen cum naturali capacitate & potentia habendi suam propriam personalitatem, veluti suum connaturale bonum, ac perfectionem sibi debitam; unde si dimitteretur à Verbo, statim propria & connaturalis subsistencia per naturalem dimanationem ex ea resulteret: Ergo Christi humanitas, etiam ut unita Verbo, & increata ac infinita subsistentiæ ipsius terminata, habet appetitum naturalem seu innatum ad propriam subsistentiam & personalitatem.

Respondeo distinguendo Majorem: Apperitus naturalis seu innatus, in actu primo consideratus, nihil aliud est quam potentia ut haber proportionem & convenientiam cum altero &c. concedo

B Majorem. Appetitus innatus per modum actus secundi, nego Majorem: ad illum enim non solum requiritur proportio, seu convenientia cum altero, sive capacitas alicujus perfectionis connaturalis, sed insuper exigitur quod talis actus, seu perfectione, neque in se, neque in aliquo eminentiō præhabetur. Unde major rursus sic distinguī potest: Appetitus innatus est capacitas debitæ perfectionis, quæ natura actu caret tam in se quam in alio quod supplet perfectiori modo defectum illius, concedo Majorem. Est capacitas debitæ perfectionis, quæ natura actu caret in se, habet tamen in alio quod supplet perfectiori modo defectum illius, nego Majorem. Similiter distinguo Minorem. In humanitate Christi est naturalis capacitas ad propriam personalitatem, cum carentia illius, tam in se, quam in alio superiori, supplete defectum illius, nego Minorem. Cum carentia illius in se, non tamen in superiori, supplete defectum ipsius, concedo Minorem, & nego Consequentiam. Solutio patet ex supra dictis.

Objicies secundò: Anima rationalis est perfectissima forma quam potest habere materia sublunaris, & eminenter continet omnes formas inferiores, & nihilominus materia prima, prout illa informata, retinet appetitum innatum ad alias formas corruptibiles & inferiores. Intellectus etiam videns Deum in se est, adhuc appetit ex effectibus illum cognoscere connaturali modo. Similiter accidens perfectiori modo existit separatum, quam inhærens, & tamen appetit inhærentiam quando separatum est: Ergo pariter humanitas Christi, licet perfectiori modo subsistat in Verbo, quam in seipso, nihilominus ut terminata Verbi personalitate, retinet appetitum innatum ad propriam subsistentiam.

Respondeo ad primum exemplum, negando paritatem: In primis enim, licet anima rationalis sit perfectior aliis formis rerum corruptibilium, & eas eminenter continet, eminentiā quadam imperfectā, & quadam communes gradus essendi, & vivendi, non tamen eas continet eminenter, eminentiā perfectā, & quoad specificas & individuales illarum rationes, quia non est infinita perfectionis, sicut Persona Divina. Deinde, dato quod anima rationalis continet omnem perfectionem formatum inferiorum in essendo, non tamen eam continet in informando, quia amissibilitate actuat materiam. Personalitas vero Verbi Divini, continet eminenter totam perfectionem personalitatis propria humanitatis Christi, non solum in essendo, sed etiam in terminando, quia terminat illam inammissibilitatem, & per unionem indissolubilem, ac æternitatem mensuratam.

Aliud exemplum de cognitione Dei per creaturas, non est ad rem, tum quia Beati Deum in